

(清·光绪版)

南皮县志

南皮县地方志办公室整理重印

清·光緒版

南皮縣志

江苏工业学院图书馆
藏书章

南皮縣地方志辦公室整理重印

南皮县志（清·光绪版）

整 理：南皮县地方志办公室

印 刷：吴桥金鼎古籍印刷厂

地 址：河北省吴桥县开发区衡山道

电 话：0317—7345110 7368186

网 址：www.wqjdgj.com

开 本：1/16

印 张：19.75

字 数：260,000

版 次：2009 年 9 月第 1 次印刷

印 数：1000 册

冀出内准字(2009)第 AD.013 号

南皮县地方志编纂委员会

名誉主任	贝 军	县委书记
主任	张金江	县人民政府县长
常务副主任	边 疆	县委常委、县人民政府常务副县长
副主任	李树东	县委常委、县委办公室主任
办公室主任	石朝林	县人民政府办公室主任
编纂人员	杜中洲	赵永生 赵树森 高长生
	王国青	李 剑 邢丽娟
整 理	张宝信	丛景芬
审 定	县志编写组	
封面志名	孙九如集	毛泽东字

整理重印说明

南皮县二轮县志编写之初，县志人员在冯家口镇于庄子村于汝义老先生家访得《南皮县志》（清光绪版），惜缺第二册。县志办人员两次去北京，在国家图书馆付资影印补齐。为便于人们阅读和利用，更好地保护收藏古籍，县志编写组特邀县老年大学副校长、副高职教师张宝信，南皮一中享受国务院特殊津贴的特级教师丛景芬进行整理。县志编写组对整理稿审定后，报县志编委会领导批准予以重印。遵循古籍整理的基本原则，除加以标点、繁体字简化、避讳字复原、竖排改横排外，保存古籍文献原貌。书中“[]”内的内容是整理者、县志编写组加的注释。由于水平所限，错讹之处敬请识者赐教。

南皮县地方志办公室
二〇〇九年八月十五日

光緒戊子夏月校刊

重刊
歸志

本齋藏板

序〔一〕

《南皮志》创修于明万历，时邑令李君正华。国朝康熙十二年癸丑，邑令马君士琼，十九年庚申，邑令刘君址，相继续修，迄今百九十余年矣。余尝于市肆购得明志残帙数卷，条分缕析，考核详雅，虽非全豹，略睹一斑，康熙志体尚简要，挂漏实多，盖当时诏修一统志，大吏檄取州县志乘，限期敦迫，不暇详核故耳。

夫邑有志，犹国有史，家有乘也。古今沿革兴废，时异代殊。其中士习、民风、兵农，钱谷以及硕德名流、忠义节烈、水旱灾荒之变，川渠、陵谷之迁，无不纤悉胪列，了如指掌。凡以纪天时，戒人事，信今传后，寓劝惩而兴观感也。况世远年湮，时逾近二百载不有文献，奚以考盛衰镜得失哉！

余家籍南皮者，垂上百年。邑虽沧瀛一隅，而燕友筑台，胜游遗迹，引经断狱，俊哲代兴。中年通籍后，恒思搜罗轶事，探讨旧闻。嗣以服官京外，此事遂废。今邑侯江苏殷君芝阶树森来莅吾位邑。下车之始，慨然以纂修邑志为急务。复延缙绅先生，搜故牒，集往事，参互考订，都为若干卷。书成，介菊垞之京弟走书京师，索序于余。余维修废举坠，贤有司之德教也。矧风俗之替兴，民生之利弊，一切声名文物政教号令胥具乎是，俾后之任兹土者，有所稽考而遵循焉。实吾乡数百年之利赖。岂第接轡前贤，备一方之文献已也。

赐进士及第、翰林院修撰、军机大臣、协办大学士、刑部尚书张之万谨叙。

序〔二〕

丙戌冬，森摄南皮篆务。会上台檄修邑志。查阅旧本，自康熙十九年重修后，二百年来记载缺如。其间舆地、城郭、学校、赋役，虽不尽变，更亦间有损益。又况人文挺秀，奇杰辈出，或世德纘承，或家声掘起，或至行光乎同里，或名世萃于一门，炳炳麟麟，不可枚举。而中经兵燹，士尚忠义，妇殉节烈，女全贞孝，尤未可以更仆数于此。而欲网罗轶事，搜采旧闻，良非易易。适邑孝廉潘心潭震乙于同治初，因通志敕修，奉文采访。功甫及半，猝构家难，以歿其子。邑廩生修祚出，采访遗稿相示。予阅其稿，虽未纯备，而取材甚富，用是会商。邑先达张菊垞太守是为子青相国胞弟，香涛制军服兄，由名孝廉筮仕湖北。其宏才大略有高世之志，而淡于荣利，退老林泉。慨然首为提倡，诱掖奖劝，不遗余力，筹费任人，发凡起例，奚太守主裁。于是张君敬甫悝，纪云官详，侯军汉卿本杰，刘君惠心有孚、俊三寿龄等，相率集资；宫君楸三毓椿，刘君仁溥寿增，齐君赞臣元庆，侯君锡九本荣，余君陶卿钧等，广为采访。其考献征文，删繁就简，则宝坻傅声远广文也；其发明义例，厘定篇章，则泰安汪谢阶大令也；其相与有成，始终为一，则少尉朱崧生实身任其劳焉。维时外翰康静山依仁，奉差公出，不与其事，而得其绪论，亦足为法程。戊子夏，邑志竣事。同人嘱序森。窃维空疏鄙陋，不学无术，虽创斯举，而有愧斯文，敢谬附诸子之例耶？而由此，前言往行记载无忘，潜德幽光流传勿替。则固诸君子之盛德，而森亦与有幸焉。用述颠末，以誌钦佩云尔。

光绪戊子秋日，同知衔署南皮县事，江苏殷树森谨识。

南皮县旧志序〔一〕

国之有史，所以表千秋之鉴者也。邑之有志，所以记一邑之盛者也。从来简要详核，志林称尚。然不有所考，无以别真；不有所采，无以记实。处简帙残缺编籍渺茫之后，欲辑合一邑之典，确萃为一书，缥緗艺苑，非细举也。岂若《齐谐》《博物》等篇，仅仅索幽奥侈浮艳云尔哉！

南皮号瀛洲一隅蓊尔。地本瘠卤，俗近淳朴。其间往哲时英，萃蔚茂者，代不乏人。虽弹丸，亦化区也。余于辛亥夏，承乏斯邑。实兹土圈占历有年矣。势事既殊，抚循非易。且余不敏，以弱龄学制。重念长民司牧、鳩育云劳、钱簿递邮诸种种，何术以惠我皮黎，熙熙攘攘群安乐郊？而厝薪运甓且愧昔人，遑事修废举坠，深虞表章之典缺如也。虽然，邑志弗修，一邑无光。表章之责又曷可以已耶！犹忆旁午之暇，谘谋于荐绅乡士，为余言：“邑旧无志。”曩曾故明令李君讳正华者，经创修，卷帙详要，雅称可观。续因燹烬秦余，服册荡然。邑中间存先世手泽，又皆蠹影蠹文，徒嗟杞宋。余尝遍购遗帙，手其一卷而披阅之，不禁怆然慨息曰：“是洵斯邑之盛也夫！是洵斯邑之盛也夫！”方与邑中绅士谋，厥经始寻事编辑。

会今圣天子留念边陲，特允辅臣请，令天下郡县纂修志书。烺炳序观，甚盛典也。余乃复进绅士而咨询之曰：“太上立德，其次立功，其次立言。述明故典本学士事。志流虽詹詹乎，亦立言之一端也。倘一邑胜纪竟坐废缺，俾余不敏无所藉手禀承以报

上檄，则是有司之愆也，亦乡士大夫之辱也。”咸曰：“唯唯。”于是得邑明经侯生嘉意采葺，凡在断碑残碣，遗文坠什，拾与窆突甃瓮者，裒聚共若干卷。而一邑之建置、沿革、政教、风俗、山川、文物，尽为胪目。挈要标附简端，越月繙竣，邑概毕陈。时有进说于余者曰：“言不近略矣乎？”非也。文不在博而在约，词不贵冗而贵当。是编也，考之前言，参之近说，以订其真；访之裔论，摭之巷语，以稽其实。毋亦窃比。夫简要详核之微意，而又奚虑乎言之不长志之近略也。读是编者，览文晰义。睹輿幅兴置之情形，依然禹贡灰星分之渥润也；核赋徭繁简之区划，依然周官纳禾之稂秸也；详风土事宜之得失，依然职方登载之纪略也；观人才文苑之茂美，依然泮宫大小之芹藻也。而且官师备焉，犹是纪云纪鸟之初制；物产具焉，犹是贵多贵少之精微。志之有通于政，顾不伟欤！

抑余更有言焉。莫为之前，虽微弗著；莫为之后，虽胜弗彰，愿兹邑人士，儒术修明于国，淳风隆蕴于乡。传之麟阁，登之輶史，不有借志为鉴而光大之者乎？则斯志也，固以鸣一邑之盛而又不独鸣一邑之盛也。已是为序。

康熙岁在癸丑朔日，文林郎、知南皮县事、蜀晋城马士琮书湖父撰。

南皮县旧志序〔二〕

从来不有作者无以端厥始，不有因者无以观厥成。凡事皆然，况一邑之志所关者大哉。余承乏南皮，三载于兹矣。盛衰之机，兴除之大，莫不于志考之。邑旧有志，前令马公重修于癸丑之岁。时奉天子允阁臣请修直省通志，以成一统志。县实为之权輿也。余每披览，见真纲举目张，大小毕该，若厘空之宿，一举首而在目中。越今七载，时移事殊。当事者有原始要终之虑，令各郡县续修焉，盖欲观厥成云。余捧檄从事兢兢焉，惟恐无以胜是任。爰谘谍于邑之绅士耆老，博采广搜。兆自癸丑，以迄庚申，仅七稔耳。其间赋役户口之增盛，灾变之昭著，与夫人物品类之繁殖，雅士之赠答，邱陇志铭之传述，日异而月新焉。使无以表彰之，不惟有负作者之心，亦无以见因者之功。欲以观厥成也，岂不难哉？嗟嗟南邑，为瀛属蓁尔之区，地被圈占，家鲜盖藏，屯卫杂处，疆宇参差。莅兹土者，每多鞭长不及之叹。常念夫疮疾之未起，俗尚之未淳，士风之未登于大雅，荡闲逾检之辈狡焉思逞，未能卖剑买牛卖刀买犊也。闭阁以思，皆长吏之责也。窃谓邑无论大小，事无论难易，惟竭蹶尽乃职图报斯已耳。昔南阳好商贾而召信臣富以本业，颍川好告讦而韩延寿告以礼让。谁谓民之于吏不若金铁之在炉冶，惟其所铸哉。兹缘续志之举，取邑乘而玩之。其善者可法，而不善可戒。核真剔伪，综

其纲而附焉，汇其目而叙焉。凡有切于利器用而阜民生，辨阴阳而滋蕃庶，咸不得以杂糅而遗之，而况其大且重者乎？其所载而详者固然，则其所不载者亦可知已。犹夫求金于沙敛而扬之，求玉于石剖而别之。于以传信经久，善厥始也，观厥成也。此物此志也，足以为后来修明者之订证，亦足以为兴朝珥笔者所凭藉。虽然，余惟考往镜来，补残厘缺，敢曰述者谓明哉。亦庶几乎窃比之义云尔。

康熙十九年，岁次庚申仲秋之吉，赐进士出身、文林郎知南皮事，中州古蔡刘址沈亭撰。

南皮县志旧跋〔一〕

汤淳

夫国有史。县有志，野史也。盖以识因革、辨淑慝、明俗尚、垂鉴戒也。志之所关尚矣。吾邑旧乘历有年，所可嗣登记载者不乏。以频遭兵燹，续修未遑，典旷百年，以待作者。

今皇清混一，疆宇奄有万方，幅员之长，于兹为盛。岁壬子，允辅臣请修一统志。邑侯马公谨奉宪行，恪共乃事。爰集师儒，载询父老，按旧帙，访遗闻。或得之士大夫蔡帐邺笈，或得之古祠宇残碑断碣，合识大识小靡不搜罗。乃开局分类，剪烛濡毫，阅八月而书成。润色裁定，皆出自侯手。挂漏者补之，椎鲁者文之。薰莠不混收，惧其滥也；葑菲无遗采，恐其刻也。至于事关风教者，必三复致意焉。丽而则，简而详，公而当，龚黄班马合为一人。煌煌乎一代之鸿章也。展卷读之，见宦绩所载，则后之为令者劝；见科第所载，则后之为士着劝；见名贤所载，则后之为德者劝；见节孝所载，则后之为妇与子者劝。返薄还醇，顽廉懦立，胥于是赖之，或可佐一统隆平之盛治于万一乎？

侯良吏也，敷政宁人，事事皆以精心运之，志其一斑也。因志书成，而并及之。

南皮县志旧跋〔二〕

柴廷望

邑之有志，犹国之有史也。史以记善恶而劝惩在天下，志以详风俗而鉴戒在一邑。是作史固难，而作志为尤难。何也？天下者，一邑之积也。使邑乘考核失真，去取鲜当，直与秽史同讥耳。余故以为作志犹难于作史。

南皮在瀛东百四十里。自国家视南皮，犹黑子之着面耳。而天文之分野，疆域之界限，山川之形势，风土之习尚，物产之培植，田赋之均输，户口之繁息，祠署之仪度，官守之名秩，人材之登进，与夫功德节义之著于既往，皆其切且重者，莫不志乎见之。邑虽僻壤，亦未尝略而不载也。但地脉斥卤，旬日不雨则苦亢暘，微霖连朝则病霖潦，以是收获难料。其在丰年不敌邻邑之半，一遇水旱灾侵，民多逃亡。而厥赋维均，且视邻邑之膏腴相等焉。若之何，民不贫且困也！况经圈占之后，投充例开，沃土无存，民半归旗。是昔日之治在兴利，而今日之治在革弊。为长吏者，能不仰屋浩叹乎？

邑侯刘公，天中名家也。庚戌之役与不佞同捷春官，谒选后擢南皮令。方介治体，留心民瘼，百废俱举。其尊人秦中太守，政事文章足以彪炳千秋。客暑中，著作甚富。侯克承家学，其才能经济，即润色皇猷黼黻，盛治天禄，石渠虚席以待，当无不可。而今日之修残举坠，灿然毕张，俱窥一斑。故其综核也，物情备；其取舍也，法戒彰；其考据也，根柢精；其条例也，纤洪判。岂不可以信今而传后耶？前志修于康熙岁次之癸丑，越数载于兹而事迹日增，容可以无续之者？

今圣天子振兴文治，购求遗书，征天下风俗之同。是刻虽记载一邑，而珥笔诸公，亦将藉是而有所证云。

南皮县志原修职名

提调掌修

南皮县知县 巴蜀马士琼

南皮县知县 鮑水刘 址

同掌修 南皮县儒学训导 章武蔡秉健

裁定

顺治辛丑科进士 汤 淳

康熙甲辰科进士 黄得焜

康熙庚戌科进士 柴廷望

编辑

顺治辛卯科举人 吴维哲

康熙丙午科举人 白学曾

康熙乙卯科举人 张作楫

岁贡生 侯 炜

岁贡生元城县儒学训导 张大城

生员后登康熙乙酉拔贡壬子副榜 黄得煜

生员 张 昕

参订

生员后成岁贡 崔 渤

生员后成岁贡 侯 塾

生员 赵 钊

生员

张汝询

生员

尹士美

生员后成岁贡

汤 濂

生员

汤伯麒

督刊

南皮县典史

贵池桂士成

续修存稿

咸丰辛亥举人

潘震乙

南皮县志续修职名

鉴定

太子太傅文华殿大学士直隶总督一等肃毅伯	李鸿章
直隶等处承宣布政使司布政使	松 椿
正任永定河道署直隶按察使司按察使	方浚师
直隶等处提刑按察使司按察使	周 馥
长芦都转盐运使司盐运使	贺良楨
直隶分巡天河兵备道	胡燏棻
二品衔特用道直隶天津府知府	汪守正
军机大臣刑部尚书协办大学士	张之万
道衔湖北候补知府道光己亥科举人	张之京
兵部尚书兼督察院右都御史两广总督	张之洞

董修 南皮县知县癸酉科举人 江苏殷树森

撰修

庆云县知县庚辰科进士	泰安汪宝树
南皮县训导辛酉举人	宝坻傅金铎

参阅 南皮县儒学教谕 深州康依仁

监刊 南皮县典史 浙江朱同保

监修

知府衔候选同知	张 悛
吏部主事辛酉科拔贡丙子科举人	侯本杰
户部主事	张官详
光禄寺署正	刘有孚
道衔监生	刘寿龄